



BOSNA I HERCEGOVINA
FEDERACIJA BOSNE I HERCEGOVINE
GRAD ZENICA

Na osnovu člana 34. i 117. Statuta Grada Zenica ("Službene novine Grada Zenica", broj 5/15), a u vezi sa članom 25. Odluke o načinu i uslovima povjerenja i organizovanja javnog prijevoza putnika u linijskom cestovnom prijevozu na teritoriji grada Zenica ("Službene novine Grada Zenica", broj 10/23), na prijedlog Službe za komunalne djelatnosti Grada Zenica, Gradonačelnik donosi

RJEŠENJE

I

Stavlja se van snage rješenje broj: 02-23-492/25 od 23.01.2025. godine, koje se odnosilo na privremenu izmjenu Mreže linije gradskog prijevoza za:

- Liniju 3: Zenica „AS“ – Koprivna – Nemila (Naselje)
- Liniju 9: Zenica „AS“ – Koprivna – Gladovići.

II

Na snagu ponovo stupaju linije utvrđene Rješenjem o utvrđivanju Mreže linija gradskog prijevoza broj: 02-19-26556/23 od 06.12.2023. godine u pogledu predmetnih linija 3. i 9.

III

Obavezuje se Služba za komunalne djelatnosti da ovo rješenje objavi na web stranici Grada Zenica.

IV

Ovo rješenje stupa na snagu danom donošenja.

Obrazloženje

Zbog izvođenja radova na izgradnji koridora Vc na dionici Poprikuše – Zenica Sjever, poddionica Vranduk – Ponirak, izvođač radova, Konzorcij Azvirt LLC i Hering d.d., obratio se Službi za vodoprivredu, putnu infrastrukturu i mjesne zajednice sa zahtjevom za potpunu obustavu saobraćaja na lokalnoj cesti L-7 Vranduk – Koprivna – veza M-17, na dionici Ponirak – Koprivna, u dužini od cca 800 metara, te je Služba izdala Rješenje o potpunoj obustavi saobraćaja na predmetnoj dionici ceste.



BOSNA I HERCEGOVINA
FEDERACIJA BOSNE I HERCEGOVINE
GRAD ZENICA

Kao rezultat obustave saobraćaja, došlo je do izmjene redova vožnje na autobusnim linijama Zenica "AS" – Koprivna – Nemila (Naselje) i Zenica "AS" – Koprivna – Gladovići, a navedene izmjene bile su predmet Rješenja koje se ovim stavlja van snage.

Predmetne linije bile su zamijenjene privremenim linijama, koje su ostale na snazi sve dok je važila obustava saobraćaja, te su također bile obuhvaćene Rješenjem koje se stavlja van snage.

Rješenjem broj 17-19-4203/25 AN.K. od 28.11.2025. godine, odbijen je zahtjev izvođača radova, Konzorcija Azvirt LLC i Hering d.d., za potpunu obustavu saobraćaja na lokalnoj cesti L-7 Vranduk – Koprivna – veza M-17, na dionici Ponirak – Koprivna.

Dana 01.12.2025. godine, u 14:00 sati, u prostorijama Društvenog doma Koprivna održan je sastanak na temu rješavanja problematike javnog linijskog prevoza putnika usljed potpune obustave saobraćaja na lokalnoj cesti L-7 Vranduk – Koprivna – veza M-17, zbog radova na dionici koridora Vc Poprikuše – Zenica Sjever (Donja Gračanica). Sastanku su prisustvovali gradonačelnik Grada Zenica, uposlenici Gradske uprave Zenica, predstavnici mjesnih zajednica koje gravitiraju tom području, te predstavnici investitora i izvođača radova.

Na sastanku je zaključeno da će dana 08.12.2025. godine lokalna cesta L-7 Vranduk – Koprivna – veza M-17 biti pripremljena za saobraćaj mještanima, čime će biti omogućeno ponovno funkcionisanje prethodno utvrđenih linija gradskog prevoza putnika, a koje su uspostavljene Rješenjem o utvrđivanju Mreže linije gradskog prijevoza, broj: 02-19-26556/23 od 06.12.2023. godine.

U skladu s navedenim, te imajući u vidu da više nije na snazi obustava saobraćaja na lokalnoj cesti L-7 Vranduk – Koprivna – veza M-17, na dionici Ponirak – Koprivna u dužini od cca 800 metara, te da više ne postoji potreba za privremenim linijama, odlučeno je kao u dispozitivu Rješenja.

Broj: 02-23-24322/25

Zenica, 05-12-2025



DOSTAVLJENO:

- 1 x Služba za komunalne djelatnosti
- 1 x PD „Prevoz putnika“ d.o.o. Zavidovići,
- Umladinsko naselje bb
- 1 x Stručna služba Gradskog vijeća i Gradonačelnika
- 1x a/a